

Parlamentarna skupština BiH
Predstavnički dom
Predsjedavajući, dr Milorad Živković

Sarajevo, 20.5.2014.
Broj: 4110-29/25

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 21-05-2014			
Organizaciona jedinica	Klasifikaciona oznaka	Redni broj	Broj priloga
01-	50-1-	15-69/14	

Predmet: Odgovor na poslaničko pitanje poslanika Zijada Jagodića

Poslanika Predstavničkog doma Parlamentarne skupštine BiH Zijad Jagodić postavio je pitanje sljedećeg sadržaja "Da li je Upravni odbor i menadžment Javnog RTV servisa BiH sačinio vlastiti plan izlaska iz krize istog, a u pogledu tehničkog, tehnološkog, organizacijskog i ekonomskog sektora sa mjerama koje mogu sami unaprijediti kao i onim za koje im je potrebna pomoć i intervencija institucija BiH."

BHRT je sačinio Strateški plan razvoja BHRT-a 2012-2020 godina koji sadrži analizu postojećeg stanja sa prijedlogom plana restrukturiranja, isti je usvojen od strane UO na 113. sjednici održanoj 27.02.2014. godine kao dobra polazna osnova za izradu akcionih planova.

Menadžment BHRT je izradio akcionog planove restrukturiranja, sanacije i finansijske konsolidacije BHRT-a, koji su usvojeni od strane UO na 114. sjednici održanoj 03.04.2014. godine.

Donesene su odluke za imenovanje timova koji će raditi na implementaciji pojedinih Akcionih planova.

Od izvršene i zakonodavne vlasti, te Regulatorne agencije (RAK), Upravni odbor i menadžment BHRT očekuje pomoć na dosljednoj primjeni Člana 42 Zakona o JRTS BiH koji obavezuje sve operatere TELEKOMA na ubiranju RTV takse, kako bi se zaustavio dramatičan pad naplate RTV takse. Tri velika operatera TELEKOMA- BH Telecom, Hrvatske telekomunikacije Mostar-HT i Telekomunikacije Republike Srpske- u svojim iptv paketima korisnicima ne fakturišu RTV taksu. Također, i kablovski operateri, iako pružaju i usluge fiksne telefonije ne naplaćuju RTV taksu. Kako zbog razvoja tehnologije dolazi do ubrzane migracije korisnika sa klasične fiksne telefonije uz čije se račune ubire RTV taksa, prihodi javnih RTV servisa se dramatično smanjuju. U periodu 2009-2013. godina izgubljeno je po ovoj osnovi preko 30 miliona KM prihoda javnih RTV servisa od RTV takse.

U Rezoluciji Vijeća Evrope o budućnosti javnih emitera, države su se obavezale „održavati i, gdje je potrebno, uspostaviti odgovarajući i siguran finansijski okvir, koji garantira javnim emiterima sredstva za potrebna za ispunjavanje njihovih aktivnosti“. Pored toga, Preporuka Vijeća Evrope (2003.)9 zahtijeva od država članica da pruže javnim emiterima mogućnost pristupa potrebnim finansijskim sredstvima, kako bi mogli ispuniti mandat javnog servisa.

Od zakonodavne vlasti očekujemo da se zakonski osnaži adekvatan model stabilnog ubiranja RTV takse u skladu sa evropskom praksom koji će omogućiti ispunjavanje misije i dalji razvoj javnih servisa.

Izrađen je projekat digitalizacije produkcionih kapaciteta BHRT, proveden je javni raspis za nabavku digitalne opreme za prvu fazu digitalizacije RTV produkcionih kapaciteta u skladu sa tehnološkim promjenama, u vrijednosti cca 4,000,000 KM. Njegova realizacija očekuje se u tekućoj 2014 godini.

S poštovanjem,



Upravni odbor BHRT

Vladimir Marčeta, predsjedavajući

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

01/2-50-1
Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 04-02-406/14
Sarajevo, 10.04.2014.godine

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
Zastupnički dom/Predstavnički dom
Trg BiH 1
71 000 Sarajevo

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18.04.2014			
Organizaciona jedinica	Klasifikaciona oznaka	Redni broj	Broj priloga
01-50-1-15-64/14			

Predmet: Odgovor na poslaničko pitanje Dr. sc. Zijada Jagodića- *dostavlja se, Veza, akt Parlamentarne Skupštine BiH broj: 01/1-50-1-15-64/14*

Od strane Federalnog ministarstva prostornog uređenja na adresu ovog Ministarstva proslijeđen je dopis za nadležno postupanje u pogledu zahtjeva za dostavu odgovora poslaniku Zijadu Jagodiću, na pitanje postavljeno na 64. sjednici Predstavničkog doma Parlamentarne Skupštine Bosna i Hercegovine, održanoj 13.marta 2014.godine.

Odnosnim pitanjem zatraženo je da se ovo Ministarstvo očituje o poduzetim aktivnostima na polju zaštite kvaliteta zraka i smanjivanja emisija nakon uočavanja nedostataka i nepravilnosti, kako kroz propise, tako i na terenu u periodu 2010-2013.godine.

Razmotrivši dostavljeni zahtjev, u skladu sa našim nadležnostima, dajemo slijedeći odgovor:

- u proteklom periodu, Federalno ministarstvo okoliša i turizma, na polju zaštite kvaliteta zraka poduzelo je aktivnosti na uspostavi pravnog okvira usaglašenog sa odredbama relevantnog EU zakonodavstva. Značajan progres napravljen je donošenjem Pravilnika o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka („Sl. novine Federacije BiH“, broj:1/2012) koji je precizno definirao način vršenja monitoringa kvaliteta zraka uz definiranje kriterija za uspostavljanje mjernih mjesta, metodologije mjerenja, mjernih postupaka, načina provjere kvaliteta mjerenja i tačnosti podataka, načina obrade i prikaza rezultata mjerenja i njihove usklađenosti sa propisanim normativima, sadržaja izvještaja o izvršenim mjerenjima i rokovima dostavljanja podataka, načina ocjenjivanja nivoa zagađenosti, kao i rokova za postepeno smanjivanje, te definiranje vrste zagađujućih materija, graničnih vrijednosti i drugih standarda kvaliteta zraka. Po pitanje reguliranja emisije zagađujućih materija, donesen je novi Pravilnik o graničnim vrijednostima emisije iz postrojenja za sagorivanje („Sl. novine Federacije BiH“, broj:3/13) kao i novi Pravilnik o monitoringu

emisija zagađujućih materija u zrak („Sl. novine Federacije BiH“, broj:9/14). Ovi propisi detaljnije reguliraju problematiku emisija u zrak, te preciznije obaveze operatorima pogona i postrojenjama;

- s ciljem uspostave adekvatnog monitoringa kvaliteta zraka i pokrivenosti Federacije BiH istim, u proteklom periodu kroz realizaciju Akcionog plana Strategije zaštite okoliša izvršena je nabavka monitoring opreme i data na korištenja Federalnom hidrometeorološkom zavodu kao nadležoj stručnoj instituciji za monitoring kvaliteta zraka u Federaciji BiH;
- u saradnji sa Federalnim hidrometeorološkim zavodom intenzivne aktivnosti se vode na realizaciji Akcionog plana Strategije zaštite okoliša, s ciljem uspostave cjelovitog sistema monitoringa kvaliteta zraka, uz uključivanje svih nivoa administrativne strukture (općina, kanton). Osnovni cilj jeste uspostaviti sistem adekvatne ocjene kvaliteta zraka, definiranje kvaliteta zraka za pojedina područja i zone, te time stvaranje osnove za razvoj akcionih planova za poboljšanje kvaliteta zraka;
- mehanizmima Fonda za zaštitu okoliša uspostavljen je sistem naknada zagađivačima zraka;
- Zakonom o zaštiti okoliša u Federaciji BiH, definirana je obaveza operatorima izvora zagađivanja pribavljanje okolinskih dozvola. Okolinska dozvola ima za cilj visok nivo zaštite okoliša i predstavlja integralni upravni akt kojim se propisuju mjere zaštite svih komponenti okoliša: zrak, voda, zemljište, biodiverzitet, upravljanje otpadom, itd. Sistem izdavanja dozvola u Federaciji BiH na snazi je od 2005.godine, a nadzor nad poštivanjem uvjeta propisanih okolinskom dozvolom vrši nadležna inspekcija. Prema Zakonu data je obaveza uspostave Registra zagađivača i zagađivanja. Aktivnosti na uspostavi i funkcioniranju istog su u toku;
- uočeni nedostaci i nepravilnosti kroz propise i na terenu eliminišu se kroz donošenjem izmjena i dopuna zakonskih i podzakonskih akata. Trenutno je u proceduri i donošenje novog Zakona o zaštiti okoliša.

S poštovanjem,

Dostaviti:


- naslovu
- dokumentaciji
- arhivi

MINISTRICA
Branka Đurić





Broj: 12/1-23-7544/14
Tuzla, 27.03.2014. godine



BOSNA i HERCEGOVINA
Parlamentarna skupština Bosne i Hercegovine
Predstavnički Dom

PREDMET: Odgovor na poslaničko pitanje, dostavlja se
Veza: Vaš akt broj: 01/1-50-1-15-64/14 od 13.03.2014. godine

Vežano za vaš dopis od 13.03.2014. godine kojim tražite odgovor na poslaničko pitanje poslanika Zijada Jagodića, koje glasi "šta su nadležne službe i inspekcije iz vaše oblasti i nadležnosti poduzele u dijelu zaštite zraka (emisije i imisije) nakon uočavanja nedostataka i nepravilnosti kako kroz propise tako i na terenu u periodu 2010. – 2013. godina" obavještavamo vas o sljedećem:

U pomenutom periodu Ministarstvo prostornog uređenja i zaštite okolice TK je davalo primjedbe i sugestije na federalne provedbene propise koji se tiču oblasti zaštite zraka, kao npr. Pravilnik o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH", broj: 1/12), Pravilnik o graničnim vrijednostima emisije u zrak iz postrojenja za sagorijevanje ("Službene novine Federacije BiH", broj: 3/13), Pravilnik o izmjenama i dopunama Pravilnika o uslovima za rad postrojenja za spaljivanje otpada ("Službene novine Federacije BiH", broj: 2/12), Pravilnika o monitoringu emisije zagađujućih materija u zrak (u postupku donošenja).

Ministarstvo prostornog uređenja i zaštite okolice TK je u okviru svoje nadležnosti donijelo dva provedbena propisa iz oblasti zaštite zraka: Plan interventnih mjera u slučajevima izuzetne zagađenosti zraka ("Službene novine Tuzlanskog kantona", broj: 6/12) i Uputstvo o načinu obrade i informiranja javnosti o podacima iz Sistema za praćenje kvalitete zraka na području Tuzlanskog kantona od 31.12.2012. godine.

Ministarstvo je takođe u okviru svoje nadležnosti i u skladu sa provedbenim propisima i to: Odlukama o utvrđivanju uvjeta, kriterija i postupaka za raspodjelu namjenskih sredstava iz ekoloških naknada i Programima raspodjele namjenskih sredstava Ministarstva prostornog uređenja i zaštite okolice vršilo dodjelu namjenskih sredstava općinama Tuzlanskog kantona za projekte toplifikacije, čime se smanjuje zagađenj zraka iz individualnih ložišta, kako slijedi:

- **2010. godina** (ukupno dodijeljeno 410.000 KM i to: 390.000 KM općini Tuzla za četiri projekta izgradnje vrelovodne mreže i 20.000 za projekat izrade studije toplifikacije grada Banovići).
- **2011. godina** (ukupno dodijeljeno 1.337.373 KM i to: 16.731 KM općini Gračanica za tri projekta priključenja javnih ustanova na sistem daljinskog grijanja, 190.642 KM općini Lukavac za projekat toplifikacije grada, 530.000 KM općini Tuzla za tri projekta izgradnje primarne vrelovodne mreže,

100.000 KM općini Banovići za dva projekta toplifikacije i 500.000 KM općini Srebrenik za projekat toplifikacije grada Srebrenika),

- **2012. godina** (ukupno dodijeljeno 195.000 KM općini Tuzla za tri projekta izgradnje vrelovodne mreže i rekonstrukcije toplinskih podstanica) i
- **2013. godina** (ukupno dodijeljeno 500.000 KM općini Srebrenik za projekat toplifikacije grada Srebrenika).

Takođe je u ovom periodu dodijeljen određen iznos sredstava javnim preduzećima i privrednim društvima u privatnom vlasništvu za neke projekte iz oblasti zaštite zraka (zamjena kotlova na čvrsto gorivo kotlovima na tečno, plinovito ili pelet, utopljavanje objekata i sl...).

U cilju smanjenja zagađenja zraka u toku su slijedeće aktivnosti:

- Ministarstvo prostornog uređenja i zaštite okolice nastavlja realiziranje započetih projekata iz oblasti energetske učinkovitosti i obnovljivih izvora energije i to javne ustanove iz oblasti obrazovanja u planiranom iznosu od 2.451.000 KM, sudovi 1.000.000 KM, vjerske zajednice 200.000 KM i javne ustanove 150.000 KM. Rok za završetak ovih aktivnosti je do kraja godine. U toku je zajednički projekat sa UNDP-om u okviru kojeg su planirane aktivnosti:

1. Studija utroška energije, uspostava polaznih parametara i energetske karakteristike svih javnih zgrada u nadležnosti Tuzlanskog kantona – rok 2 mjeseca,
2. Obaviti detaljni energetski audit za 15 javnih zgrada u nadležnosti kantona – rok 3 mjeseca,
3. Institucionalizacija EMIS-a u svim zgradama javnog sektora u nadležnosti kantona – kontinuirano,
4. Napraviti kantonalni Plan povećanja energetske učinkovitosti – rok 6 mjeseci.

Također je u toku aktivnost sa UNDP-om na sprovođenju mjera energetske učinkovitosti za školu Rapatnica Srebrenik – rok 2 mjeseca. Za ove aktivnosti nisu potrebna dodatna sredstva.

Ministarsvo planira zajedno sa HABITAT-om implementaciju pilot projekat primjene mjera energetske učinkovitosti na po jednu zgradu kolektivnog stanovanja sa stanarima slabijeg imovnog stanja u Tuzli, Živinicama i Banovićima. Planirana sredstva su 30.000 KM, a rok završetka je 7 mjeseci.

- U svrhu smanjenja zagađivanja zraka i unapređenja kvaliteta zraka nastavlja aktivnosti na javnim nabavkama za projekte proširenja toplifikacije Tuzle i Lukavca kao i za izgradnju sekundarne mreže u Živinicama, u skladu sa Programom raspodjele namjenskih sredstava Ministarstva prostornog uređenja i zaštite okolice za 2014. godinu, Programom raspodjele kapitalnih izdataka drugim nivoima vlasti za 2014. godinu, Odlukom o utvrđivanju uvjeta, kriterija i postupka za raspodjelu namjenskih sredstava iz ekoloških naknada i Odlukom o utvrđivanju uvjeta, kriterija i postupka za raspodjelu kapitalnih izdataka Ministarstva prostornog uređenja i zaštite okolice, a koji će se financirati od sredstava dosuđenih Presudom općinskog suda u Tuzli. Planirana sredstva za projekte iz ove oblasti koje su ove općine kandidirale su za Tuzlu 5.863.475,88 KM, za Lukavac 2.931.737,94 KM i za Živinice 2.931.737,94 KM. Za ostale općine je planirano 567.116,58 KM. Postupak javne nabavke za ove projekte će krenuti za 1 mjesec. Rok za završetak ovih projekata je do kraja godine.

- Na osnovu Studije utroška energije, uspostave polaznih parametara i energetskih karakteristika svih javnih zgrada u nadležnosti Tuzlanskog kantona, odabrat ćemo prioritete objekte u roku od 30 dana i kontinuirano, spram raspoloživih sredstava, implementirati mjere energetske učinkovitosti.

- Zalagat ćemo se za priključenje individualnih stambenih objekata na sistem centralnog grijanja kroz finansiranje pilot projekta općine Tuzla u visinskoj zoni MZ Kula koji će biti polazna osnova za dalje djelovanje u pravcu smanjenja cijene priključka. Vrijednost projekta je 1.059.573,70 KM, a rok

završetka je do kraja godine. Ministarstvo će nastojati da pronade način za subvencioniranje priključaka individualnih stambenih objekata na centralno grijanje do kraja godine.

S poštovanjem

Dostaviti:

- Naslovu
- Evidenciji
- Arhivi






Broj: 11-49-2883-4/14

Bihac, 11-04-2014

11/5-2

PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/PREDSTAVNIČKI DOM
SARAJEVO



PREDMET: Odgovor na postavljeno poslaničko pitanje poslanika Zijada Jagodića,
dostavlja se

VEZA: Vaš akt broj: 01/a-50-1-15-64/14 od dana 13.03.2014. godine

U prilogu ovog akta dostavljamo Vam Odgovor na poslaničko pitanje poslanika Zijada Jagodića, koje je postavljeno na 64. sjednici Predstavničkog doma Parlamentarne skupštine Bosne i Hercegovine, koja je održana 13. marta 2014. godine.

U prilogu akta dostavljamo Vam i odgovor nadležnog kantonalnog inspektora za zaštitu okoliša Unsko-sanskog kantona, koji se očitovao i podnio izvještaj o navedenim aktivnostima vezanim za zaštitu zraka.

S poštovanjem!

Prilog: -Odgovor na poslaničko pitanje;

-Akt broj:UP-1-17-23-03048/14-1031-002 od 04.04.2014. godine



Dostaviti:

- Naslovu

- a/a



PREDMET: Odgovor na poslaničko pitanje poslanika Zijada Jagodića, dostavlja se

Na 64. sjednici Predstavničkog doma Parlamentarne skupštine Bosne i Hercegovine, koja je održana 13. marta 2014. godine, entitetskim i kantonalnim vlastima postavljeno je slijedeće poslaničko pitanje:

“Šta su nadležne službe i inspekcije iz Vaše oblast i nadležnosti poduzele u dijelu zaštite zraka (emisija i imisija) nakon uočavanja nedostataka i nepravilnosti kako kroz propise tako i na terenu u period 2010.-2013. godine.”

ODGOVOR

Poštovani gospodine Jagodiću,

Kako Unsko-sanski kanton nema većih zagađivača zraka to i nisu uočeni nedostatci odnosno kršenja odredbi Zakona o zaštiti zraka i podzakonskih propisa donesenih na osnovu ovog Zakona. Međutim, Ministarstvo kroz donošenje rješenja kojima se izdaje okolinska dozvola za pogone i postrojenja, kao i dozvole za upravljanje otpadom, propisuje granične vrijednosti zagađivačima zraka, a koji se nadalje po osnovu inspeksijskog nadzora prate i ukoliko dođe do prekoračenja dozvoljenih količina zagađenja isti se sankcionišu po zakonu.

Shodno navedenom, za isto pitanje Ministarstvo je uputilo akt inspektoru zaštite okoliša broj: 11-49-2340-2/14 od 13.03.2014. godine, kojim se traži informacija o vršenju nadzora nad predmetnim objektima i sto Vam dostavljamo u prilogu ovog akta.

S poštovanjem,

MINISTRICA

Sinha Kurbegović, dipl. pravnik





11/6/14
11/5

Inspektorat za tehniku, građenje, prostorno uređenje, ekologiju, cestovni promet i ceste
Broj: UP-1-17-23-03048/14-1031-002
Datum, 4.4.2014 godine

VLADA UNSKO-SANSKOG KANTONA -
MINISTARSTVO ZA GRAĐENJE,
PROSTORNO UREĐENJE I ZAŠTITU

OKOLINE BOSNA I HERCEGOVINA
ALIJE ĐERZELEŽA BR. 6
77000 BIHAĆ

PREDMET: DOSTAVA TRAŽENIH PODATAKA
Veza Vaš akt br.11-49-2883-2/14 od 28.03.2014.god;

04-04-2014	
11-49-2883-3	3

Poštovani,

U izvještajnom periodu, odnosno u periodu /2010-2013.god/ od strane kantonalne inspekcije za zaštitu okoliša u predmetu primjene čl.67.Zakona o zaštiti okoliša ("Sl.novine FBiH" br.33/03 i 38/09) i Zakona o zaštiti zraka ("Sl.novine FBiH" br.33/03 i 04/10) i provedbenih propisa donesenih na osnovu njih inspekcijske kontrole su vršene kao:

I-Redovne kontrole;

U sklopu kontrole ispunjavanja uvjeta propisanih okolinskom dozvolom na kantonalmom nivou i ispunjavanju opštih obaveza operatora i to:

- provođenje monitoringa
- izvještavanje-dostavljanje podataka za Registar;

II-Po Zahtjevu stranaka

(pravna i fizička lica-obrtnici koji prilikom obavljanja djelatnosti emituju u zrak:

- prašinu(pilane, stolarske radnje, kamenolomi)
- dimne gasove(kotlovnice čija snaga prelazi 50 KW)
- buka

III-Po Zahtjevu Fonda za zaštitu okoliša u FBiH

-dostavljanje podataka za Registar;

U izvještajnom periodu, a vezano za navedenu problematiku izvršeno je:

Ukupno - 159 inspekcijske kontrole;

-Pravna lica- 91 kontrola;

-Fizička lica- 68 kontrola;

Poduzete mjere;

Od strane kantonalne inspekcije za zaštitu okoliša, a vezano za otklanjanje utvrđenih nedostataka, a najčešće neprovođenje monitoringa i izvještavanje, iz ove oblasti poduzimane su slijedeće mjere:

-Preventivne mjere-upozorenja 42

-Rješenja o zabrani rada - 6

-Rješenja o otklanjanju nedostataka 59;

-Putem prekršajnih naloga (24 naloga) izrečene kazne u iznosu od 15.900 KM .

Na području Unsko sanskog kantona nema značajnijih zagađivača zraka sa stanovišta ispuštanja zagađujućih materija u zrak ,izuzev velikih privrednih subjekata kao što su "ROBOT" doo , "MEGLE" doo , "BIHAČKA PIVOVARA" dd, "SANITEKS" doo ,afaltne baze „GRUPEX“, "RAD", "DIVEL", "BC -GRADNJA" ali su oni u nadležnosti federalne inspekcije za zaštitu okoliša.

Dostavljeno:

1 x Naslovu
1 x Evidencija
1 x Arhiva

M.P.

Kantonalni inspektor zaštite okoliša

Senad Dervišević



Inspektorat za tehniku, gradenje, prostorno
uređenje i ekologiju
Broj: UP-1-17-23-1385/13-1031-001
Datum, 20.2.2013 godine

KANTONALNO MINISTARSTVO ZDRAVSTVA I
SOCIJALNE POLITIKE UNSKO SANSKOG KANTONA
-OVDJE-

PREDMET: OBAVIJEST o obavezi provođenja Uredbe o vrstama naknada i kriterijuma za obračun naknada za zagađivače zraka i Pravilnika o načinu obračunavanja i plaćanja ,te rokovima obračunavanja i plaćanja naknada za zagađivače zraka- dostavlja se.

Poštovani,

Kantonalna inspekcija za zaštitu okoliša USK-a obraća Vam se na osnovu člana 82. Zakona o organizaciji organa uprave u u Federaciji BIH ("Sl.novine F BiH;br.35/05), radi provođenja Uredbe o vrstama naknada i kriterijuma za obračun naknada za zagađivače zraka("Sl.novine F BiH;br.66/11), i Pravilnika o načinu obračunavanja i plaćanja ,te rokovima obračunavanja i plaćanja naknada za zagađivače zraka("Sl.novine F BiH;br.79/11).

Ova obavijest se temelji na činjenici da postoji velik broj javnih zdravstvenih ustanova (bolnice,domovi zdravlja,rehabilitacijski centri i dr.)koji se nalaze pod Vašim ingerencijama,a koje su shodno gore navedenim propisima dužne provoditi monitoring emisija zagađujućih materija u zrak te Izvještaje o provedenom monitoringu dostavljati nadležnom Kantonalnom ministarstvu gradjenja,prostornog uređenja i zaštite okoline i Fondu za zaštitu okoliša u FBiH,radi formiranja Registra zagađivača i obaveznika plaćanja gore navedenih naknada za zagađivače zraka.

S obzirom da se Zakonom o zaštiti okoliša("Sl.novine F BiH;br.33/03,38/09).Zakonom o zaštiti zraka ("Sl.novine F BiH;br.33/03.,04/10),,te gore navedenom Uredbom, nedostavljanje navedenih Izvještaja smatra prekršajem (propisane su novčane kazne),prosljeđujem Vam ovu Obavijest,kako bi putem Vaših Službi ,upozorili odgovorne osobe u javnim zdravstvenim ustanovama i drugim institucijama na obavezu provođenja monitoringa i dostavljanja Izvještaja o provedenom monitoringu nadležnim tijelima.

Prema dostupnim podacima ,ovaj Izvještaj je dostavljen samo od strane Zavoda za javno zdravstvo USK-a.

U prilogu akta Vam dostavljam:

-Kopiju akta br:UP-1-17-23-5774/12 od 06.08.2012.god.

-Kopiju akta br:UP-1-17-23-0005/13 od 03.01.2013.god.

S poštovanjem,

Dostavljeno:

1 x Naslovu

Evidencija

1 x Arhiva

M.P.

Kantonalni inspektor zaštite okoliša

Senad Dervišević dipl.ing.



**Inspektorat za tehniku, građenje, prostorno
uređenje i ekologiju**
Broj: UP-1-17-23-1382/13-1031-001
Datum, 20.2.2013 godine

KANTONALNO MINISTARSTVO OBRAZOVANJA
NAUKE I SPORTA UNSKO SANSKOG KANTONA
-OVDJE -

PREDMET: OBAVIJEST o obavezi provođenja Uredbe o vrstama naknada i kriterijuma za obračun naknada za zagađivače zraka i Pravilnika o načinu obračunavanja i plaćanja ,te rokovima obračunavanja i plaćanja naknada za zagađivače zraka- dostavlja se:

Poštovani,

Kantonalna inspekcija za zaštitu okoliša USK-a obraća Vam se na osnovu člana 82. Zakona o organizaciji organa uprave u Federaciji BiH ("Sl.novine F BiH;br.35/05), radi provođenja Uredbe o vrstama naknada i kriterijuma za obračun naknada za zagađivače zraka("Sl.novine F BiH;br.66/11), i Pravilnika o načinu obračunavanja i plaćanja ,te rokovima obračunavanja i plaćanja naknada za zagađivače zraka("Sl.novine F BiH;br.79/11).

Ova obavijest se temelji na činjenici da postoji velik broj javnih ustanova (vrtići, škole,ustanove za visoko obrazovanje,sportski centri i dr.)koji se nalaze pod Vašim ingerencijama,a koje su shodno gore navedenim propisima dužne provoditi monitoring emisija zagađujućih materija(dimni gasovi) u zrak te Izvještaje o provedenom monitoringu dostavljati nadležnom Kantonalnom Ministarstvu i Fondu za zaštitu okoliša u FBiH,radi formiranja Registra zagađivača i obaveznika plaćanja gore navedenih naknada za zagađivače zraka.

S obzirom da se Zakonom o zaštiti okoliša("Sl.novine F BiH;br.33/03,38/09),Zakonom o zaštiti zraka ("Sl.novine F BiH;br.33/03.,04/10),,te gore navedenom Uredbom. nedostavljanje navedenih Izvještaja smatra prekršajem (propisane su novčane kazne),prosljeđujem Vam ovu Obavijest,kako bi putem Vaših Službi ,upozorili odgovorne osobe u Javnim ustanovama i drugim institucijama na obavezu provođenja monitoringa i dostavljanja Izvještaja o provedenom monitoringu nadležnim tijelima.

U prilogu akta Vam dostavljam:

-Kopiju akta br:UP-1-17-23-5774/12 od 06.08.2012.god.

-Kopiju akta br:UP-1-17-23-0005/13 od 03.01.2013.god.

Dostavljeno:

1 x Naslovu

1 x Evidencija

1 x Arhiva

M.P.

Kantonalni inspektor zaštite okoliša

Senad Dervišević dipl.ing.

01/2-50-1
ly

Bosna i Hercegovina
FEDERACIJA BOSNE I HERCEGOVINE
ŽUPANIJA POSAVSKA
Ministarstvo prometa, veza,
turizma i zaštite okoliša
ORAŠJE

Tel/fax: 031/713-330, tel. 031/762-703

Broj: 05-23-46/14
Orasje, 04.04.2014. godine

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/ PREDSTAVNIČKI DOM

10 -04- 2014			
01-50-1-15-64/14			

PREDMET: Odgovor na zastupničko pitanje- dostavlja se:

Veza: 01/a-50-1-15-64/14 od 13.03.2014. godine

Na 64. sjednici Predstavničkog doma Parlamentarne skupštine Bosne i Hercegovine, održanoj 13. Marta 2014. Godine, zastupnik gđin. Zijad Jagodić je postavio zastupničko pitanje, iz nadležnosti ovog ministarstva, a koje glasi:

„Sta su nadležne službe i inspekcije iz vaše oblasti i nadležnosti poduzeli u dijelu zaštite zraka emisija i imisija nakon uočavanja nedostataka i nepravilnosti, kako kroz propise tako i na terenu u periodu 2010.-2013. godina?“

Odgovor

Županija Posavska je pretežno ruralno područje, nema velikih zagađivača koji bi u velikoj mjeri uticali na kvalitet zraka. Na području Županije Posavske se ne vrše mjerenja kvalitete zraka, te nemamo saznanja o nedostacima i nepravilnostima, pored toga, možemo reći da je kvalitet zraka u Županiji Posavskoj zadovoljavajućeg kvaliteta.



Bosna i Hercegovina
Federacija Bosne i Hercegovine
ŽUPANIJA ZAPADNOHERCEGOVAČKA
MINISTARSTVO PROSTORNOG UREĐENJA,
GRADITELJSTVA I ZAŠTITE OKOLIŠA
Broj: 06-01-49-50/14
Posušje, 04. travnja 2014. ~~god.~~ -04- 2014

01/50-1-15-65/14

01/0 -50-1

[Handwritten signature]

PARLAMENTARNA SKUPŠTINA
BOSNE I HERCEGOVINE
n/r Predsjedavajućeg Zastupničkog doma

Predmet: Odgovor na zastupničko pitanje – dostavlja se

Vežano za Vaš dopis broj: 01/a-50-1-15-65/14 od 13.03.2014.godine u svezi zastupničkog pitanja koje je uputio zastupnik Zijad Jagodić na 64. sjednici Zastupničkog doma Parlamentarne skupštine Bosne i Hercegovine. Na zastupničko pitanje koje glasi: „Šta su nadležne službe i inspekcije iz vaše oblasti i nadležnosti poduzele u dijelu zaštite zraka (emisije i imisije) nakon uočavanja nedostataka i nepravilnosti kako kroz propise tako i na terenu u periodu 2010 – 2013. godine“ očitujemo se kako slijedi:

1. Zastupničko pitanje nije upućeno Federalnom ministarstvu okoliša i turizma koje je najodgovornije za oblast zaštite zraka u Federaciji Bosne i Hercegovine. Iz pitanja nije nam razvidno na koje nedostatke i nepravilnosti se misli. Naime Zakon o zaštiti zraka FBiH i sve podzakonske akte vezano za kvalitetu zraka propisuje Ministarstvo okoliša i turizma FBiH. Županije samo provode dio aktivnosti koje su u podijeljenoj nadležnosti. Čitavu mrežu za monitoring zraka u Federaciji BiH te postavljanje mjernih stanica organizira Federalni meteorološki zavod kao stručna institucija u suradnji s Federalnim ministarstvom okoliša i turizma.
2. Što se tiče Županije Zapadnohercegovačke Ministarstvo prostornog uređenja, graditeljstva i zaštite okoliša provelo je mjerenje kakvoće zraka tijekom 2009 godine na lokacijama četiri općine: Široki Brijeg, Ljubuški, Posušje i Grude. Prema Izvješću o mjeranju kakvoće zraka za polutante SO₂, NO₂, LČ 10, CO i O₃, nigdje nije došlo do prekoračenja graničnih vrijednosti niti u jednoj općini. Što se tiče kvalitete zraka u našoj Županiji zrak kao sastavnica okoliša nije prioritet u oblasti zaštite okoliša, jer nema većih industrija i industrijskih zagađenja.
3. Ministarstvo prostornog uređenja, graditeljstva i zaštite okoliša Županije Zapadnohercegovačke u okviru svojih nadležnosti kontrolira zagađivače zraka putem okolišnih dozvola i propisivanjem monitoringa. Uglavnom se radi o manjim pogonima i postrojenjima (kamenolomima, betonarama i dr.) kojima je polutant prašina. Kvaliteta zraka u ŽZH je zadovoljavajuća. Najveći problem je zaštita voda i upravljanje otpadom jer se nalazimo na području izrazitog krša.

S poštovanjem,

Dostaviti:
1. Naslovu,
2. Pismohrana.





01/e-50-1


[Handwritten signature]

РЕПУБЛИКА СРПСКА
ВЛАДА
МИНИСТАРСТВО ЗА ПРОСТОРНО УРЕЂЕЊЕ,
ГРАЂЕВИНАРСТВО И ЕКОЛОГИЈУ

Трг Републике Српске 1, Бања Лука, тел: 051/339 592 факс: 051/ 339 653 Е-mail:kabinetministra@mgr.vladars.net
www.vladars.net

Број:15.04-011-105/14
Датум:01.04.2014. године

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
САРАЈЕВО



Предмет: Одговор на посланичко питање

Посланик Зијад Јагодић на 64. сједници Представничког дома парламентарне скупштине Босне и Херцеговине, одржаној 13. марта 2014. године, поставио је следеће посланичко питање:

- Шта су надлежне службе и инспекција из ваше области и надлежности подузели у дијелу заштите зрака емисија и имисија након уочавања недостатака и неправилности, како кроз прописе тако и на терену у периоду 2010.-2013. године?

У складу са чланом 155.став 3. Пословника представничког дома Парламентарне скупштине Босне и Херцеговине ("Службени гласник БиХ", број 33/06, 41/06, 81/06, 91/06, 91/07, 87/09 и 28/129) дајемо следећи одговор:

ОДГОВОР

Народна скупштина Републике Српске је 2002. године донијела први пут Закон о заштити ваздуха ("Службени гласник Републике Српске", број 53/02) у склопу сета закона који уређују област заштите животне средине.

Закон о заштити ваздуха имао је за циљ: успостављање, одржавање и унапређивање јединственог система управљања квалитетом ваздуха на територији Републике Српске, утврђивање и остваривање мјера у области заштите и побољшања квалитета ваздуха како би се избјегле, спријечиле или смањиле штетне посљедице по људско здравље и животну средину, очување квалитета ваздуха, ако је ваздух чист и његово побољшање ако је загађен, спречавање и смањење загађења која утичу на оштећење озонског омотача и климатске промјене, процјењивање и прибављање одговарајућих података о квалитету ваздуха на основу стандардизованих метода и

мјерила, као и осигурање доступности тих података јавности, обезбјеђење извршавања обавеза преузетих међународним уговорима и споразумима и учествовање у међународној сарадњи у области заштите и побољшања квалитета ваздуха.

Будући да су се десиле значајне промјене у скоро свим областима које се тичу заштите животне средине као и потреба усклађивања и уређења ове области са међународним прописима, указала се и потреба одређених измјена и допуна законских рјешења у овој области ради ефикасније и потпуније заштите ваздуха, услед чега се предлагач определијелио за нови Закон о заштити ваздуха. Нови Закон о заштити ваздуха је још један од закона који је припремљен у поступку усклађивања домаће легислативе са прописима Европске уније који ову област уређује кохерентно и цијеловито.

Приликом израде новог Закона о заштити ваздуха ("Службени гласник Републике Српске", број 124/11) имало се у виду преко 30 прописа, прије свега, директива којима се уређује заштита ваздуха од загађивања. Њима се прописују: стандарди квалитета амбијенталног ваздуха, стандарди емисије за стационарне изворе загађивања ваздуха, стандарди емисије за покретне изворе загађивања ваздуха, стандарди квалитета одређених производа, прије свега течних горива и супстанци које оштећују озонски омотач и мониторинг и размјену информација.


Приликом израде закона коришћена је и међународна пракса земаља Европске уније, а прије свега оних у нашем окружењу које су недавно приступиле Европској унији или су на путу да то ускоро учине.

Инспекцијски надзор над поштовањем Закона о заштити ваздуха и прописа донесених за његово спровођење врши Републичка управа за инспекцијске послове путем надлежних републичких инспектора и инспектора у јединицама локалне самоуправе.


МИНИСТАР
Сребренка Голић



Broj: 12/1-23-7544/14
Tuzla, 27.03.2014. godine



BOSNA i HERCEGOVINA
Parlamentarna skupština Bosne i Hercegovine
Predstavnički Dom

PREDMET: Odgovor na poslaničko pitanje, dostavlja se
Veza: Vaš akt broj: 01/1-50-1-15-64/14 od 13.03.2014. godine

Vežano za vaš dopis od 13.03.2014. godine kojim tražite odgovor na poslaničko pitanje poslanika Zijada Jagodića, koje glasi "šta su nadležne službe i inspekcije iz vaše oblasti i nadležnosti poduzele u dijelu zaštite zraka (emisije i imisije) nakon uočavanja nedostataka i nepravilnosti kako kroz propise tako i na terenu u periodu 2010. – 2013. godina" obavještavamo vas o sljedećem:

U pomenutom periodu Ministarstvo prostornog uređenja i zaštite okolice TK je davalo primjedbe i sugestije na federalne provedbene propise koji se tiču oblasti zaštite zraka, kao npr. Pravilnik o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH", broj: 1/12), Pravilnik o graničnim vrijednostima emisije u zrak iz postrojenja za sagorijevanje ("Službene novine Federacije BiH", broj: 3/13), Pravilnik o izmjenama i dopunama Pravilnika o uslovima za rad postrojenja za spaljivanje otpada ("Službene novine Federacije BiH", broj: 2/12), Pravilnika o monitoringu emisije zagađujućih materija u zrak (u postupku donošenja).

Ministarstvo prostornog uređenja i zaštite okolice TK je u okviru svoje nadležnosti donijelo dva provedbena propisa iz oblasti zaštite zraka: Plan interventnih mjera u slučajevima izuzetne zagađenosti zraka ("Službene novine Tuzlanskog kantona", broj: 6/12) i Uputstvo o načinu obrade i informiranja javnosti o podacima iz Sistema za praćenje kvalitete zraka na području Tuzlanskog kantona od 31.12.2012. godine.

Ministarstvo je takođe u okviru svoje nadležnosti i u skladu sa provedbenim propisima i to: Odlukama o utvrđivanju uvjeta, kriterija i postupaka za raspodjelu namjenskih sredstava iz ekoloških naknada i Programima raspodjele namjenskih sredstava Ministarstva prostornog uređenja i zaštite okolice vršilo dodjelu namjenskih sredstava općinama Tuzlanskog kantona za projekte toplifikacije, čime se smanjuje zagađenj zraka iz individualnih ložišta, kako slijedi:

- **2010. godina** (ukupno dodijeljeno 410.000 KM i to: 390.000 KM općini Tuzla za četiri projekta izgradnje vrelovodne mreže i 20.000 za projekat izrade studije toplifikacije grada Banovići).
- **2011. godina** (ukupno dodijeljeno 1.337.373 KM i to: 16.731 KM općini Gračanica za tri projekta priključenja javnih ustanova na sistem daljinskog grijanja, 190.642 KM općini Lukavac za projekat toplifikacije grada, 530.000 KM općini Tuzla za tri projekta izgradnje primarne vrelovodne mreže,

100.000 KM općini Banovići za dva projekta toplifikacije i 500.000 KM općini Srebrenik za projekat toplifikacije grada Srebrenika),

- **2012. godina** (ukupno dodijeljeno 195.000 KM općini Tuzla za tri projekta izgradnje vrelovodne mreže i rekonstrukcije toplinskih podstanica) i
- **2013. godina** (ukupno dodijeljeno 500.000 KM općini Srebrenik za projekat toplifikacije grada Srebrenika).

Takođe je u ovom periodu dodijeljen određen iznos sredstava javnim preduzećima i privrednim društvima u privatnom vlasništvu za neke projekte iz oblasti zaštite zraka (zamjena kotlova na čvrsto gorivo kotlovima na tečno, plinovito ili pelet, utopljavanje objekata i sl...).

U cilju smanjenja zagađenja zraka u toku su slijedeće aktivnosti:

- Ministarstvo prostornog uređenja i zaštite okolice nastavlja realiziranje započetih projekata iz oblasti energetske učinkovitosti i obnovljivih izvora energije i to javne ustanove iz oblasti obrazovanja u planiranom iznosu od 2.451.000 KM, sudovi 1.000.000 KM, vjerske zajednice 200.000 KM i javne ustanove 150.000 KM. Rok za završetak ovih aktivnosti je do kraja godine. U toku je zajednički projekat sa UNDP-om u okviru kojeg su planirane aktivnosti:

1. Studija utroška energije, uspostava polaznih parametara i energetske karakteristike svih javnih zgrada u nadležnosti Tuzlanskog kantona – rok 2 mjeseca,
2. Obaviti detaljni energetski audit za 15 javnih zgrada u nadležnosti kantona – rok 3 mjeseca,
3. Institucionalizacija EMIS-a u svim zgradama javnog sektora u nadležnosti kantona – kontinuirano,
4. Napraviti kantonalni Plan povećanja energetske učinkovitosti – rok 6 mjeseci.

Također je u toku aktivnost sa UNDP-om na sprovođenju mjera energetske učinkovitosti za školu Rapatnica Srebrenik – rok 2 mjeseca. Za ove aktivnosti nisu potrebna dodatna sredstva.

Ministarstvo planira zajedno sa HABITAT-om implementaciju pilot projekat primjene mjera energetske učinkovitosti na po jednu zgradu kolektivnog stanovanja sa stanarima slabijeg imovnog stanja u Tuzli, Živinicama i Banovićima. Planirana sredstva su 30.000 KM, a rok završetka je 7 mjeseci.

- U svrhu smanjenja zagađivanja zraka i unapređenja kvaliteta zraka nastavlja aktivnosti na javnim nabavkama za projekte proširenja toplifikacije Tuzle i Lukavca kao i za izgradnju sekundarne mreže u Živinicama, u skladu sa Programom raspodjele namjenskih sredstava Ministarstva prostornog uređenja i zaštite okolice za 2014. godinu, Programom raspodjele kapitalnih izdataka drugim nivoima vlasti za 2014. godinu, Odlukom o utvrđivanju uvjeta, kriterija i postupka za raspodjelu namjenskih sredstava iz ekoloških naknada i Odlukom o utvrđivanju uvjeta, kriterija i postupka za raspodjelu kapitalnih izdataka Ministarstva prostornog uređenja i zaštite okolice, a koji će se financirati od sredstava dosuđenih Presudom općinskog suda u Tuzli. Planirana sredstva za projekte iz ove oblasti koje su ove općine kandidirale su za Tuzlu 5.863.475,88 KM, za Lukavac 2.931.737,94 KM i za Živinice 2.931.737,94 KM. Za ostale općine je planirano 567.116,58 KM. Postupak javne nabavke za ove projekte će krenuti za 1 mjesec. Rok za završetak ovih projekata je do kraja godine.

- Na osnovu Studije utroška energije, uspostave polaznih parametara i energetskih karakteristika svih javnih zgrada u nadležnosti Tuzlanskog kantona, odabrat ćemo prioritete objekte u roku od 30 dana i kontinuirano, spram raspoloživih sredstava, implementirati mjere energetske učinkovitosti.

- Zalagat ćemo se za priključenje individualnih stambenih objekata na sistem centralnog grijanja kroz finansiranje pilot projekta općine Tuzla u visinskoj zoni MZ Kula koji će biti polazna osnova za dalje djelovanje u pravcu smanjenja cijene priključka. Vrijednost projekta je 1.059.573,70 KM, a rok

završetka je do kraja godine. Ministarstvo će nastojati da pronade način za subvencioniranje priključaka individualnih stambenih objekata na centralno grijanje do kraja godine.

S poštovanjem

Dostaviti:

- Naslovu
- Evidenciji
- Arhivi

